

陝西府縣志輯

中國地方志集成

乾隆鳳翔府志

陝西府縣志輯 ③①

序

岐周故治扶風舊都五水之歸
三秦之一星分東井地號西京
弦蒲淪糜詳職方於周禮渭沂
漆汭貫經絡於大河周宣石鼓

序

之文千年法物吳嶽五峰之秀
百世馨香攬勝東湖亭傳喜雨
搜奇西海碑摹九成太白擅升
雲降雨之靈岐山實與周發祥
之地青崖斜谷夙推鄠隴重關

序

石鼻金牙由來寶雞天險按圖
計里廣袤凡四百有奇度地起
斜田賦幾十有九萬此誠秦中
之鉅輔而為關右之雄區也緣
知天寶蔚為物華須信地靈必

二

產人傑炎帝誕生於姜水古公
肇跡於岐陽聖賢代興醇儒輩
出燕伋學宗洙泗橫渠易契二
程班馬之故里猶存段劉之忠
魂不朽法真孝直胸羅甲兵傳

殺賈遠醜醜經籍他如宦績名
世勇略冠軍雁塔題名鳳池繼
武又皆美不勝收指難悉數至
若登陴奏凱則有仁傑李晟遺
愛知名昔傳翁歸劉晏長孺為

序

三

內史權責攝威杜衍知鳳翔邑
民爭頌寇準彥博遺澤在人蘓
軾師中謳思遍野足為循良之
望允稱前事之師然而代易滄
桑時分常變唇宋以降兵燹相

侵勝國之餘蹂躪殆盡山川猶
吳景象全非所幸

天生

神聖四海永清今

皇上福德兼隆恩威遠播服教畏神

序

四

者數千萬里飲和食德者百有
餘年而且時和年豐民安物阜
爰於簿書之暇檢點史乘之文
無如故紙雖存蠹魚莫辨兼以
近今未載文獻無徵不揣穢線

之才欲學製錦之手遍詢紳彥
分委寅僚權輿於乙酉之秋告
竣於丙戌之夏前書失考不妨
存信以闕疑注事可稽要在訂
說而補缺舉其綱釐為十有二

序

五

卷紀其目分為八十餘條有美
皆登雖潛德幽光而亦顯惟元
必沐即鴻章鉅製而何關繪一
郡之名山大川披圖即得稽是
邦之賢豪俊傑開卷如親既集

腋以成裘非刻舟而求劍規模
大倫卷軸一新從此溯委尋源
皆有條理予以開來繼往堪資
典型雖不敢謂述作之工堪同
綿叢亦庶幾修明之雅聊佐轄

序

六

軒云爾
晉
乾隆三十一年歲丙戌之荷月
穀旦鳳翔府知府達靈阿序

凡例

一郡志肇始於前明海一王公繼修於監司梁公桑公至

本朝康熙四十九年柯亭朱公因而續之考其文獻所徵

不無漏畧且距今又數十載凡應增入者益衆因廣肆蒐羅重加訂正焉

一舊志總綱七列卷五今依類增修事後於前文繁於昔因更釐爲十二卷使卷帙均勻而亦不失其條理之所存

重修鳳翔府志

卷之首

一

一舊志卷首惟繪疆域城池數圖而泮壁贊官及郡邑名勝榘未圖列今悉增置篇端使境土之致聚沙畫米展卷瞭然

一舊志山川古蹟啣尾類書觀者未免艱於查閱今各自爲行庶稽考之下可以一望而得

一賦役昔志多沿前朝舊額今惟以當代賦役全書及乾隆三十年奏銷爲定餘裁革者槩不贅於篇

一舊志封建內附以后妃名媛等項於義未協今爲

之列女而以后妃冠首次名媛節烈貞孝各以類附庶有當焉

一學校爲教化本原風俗之茂人才之興皆由此出菲第如城池廳署之建置已也故別爲一綱而以書院義學附列

一選舉舊志惟載明以來今始漢終元允徵薦科目可稽者悉編次補入而由明迄今選舉二項則譜爲年表以列其先後至國學掾吏亦爲進身之階然人數過多惟已出仕者附載

重修鳳翔府志

卷之首

二

一舊志以仙釋列於祠祀後使緇衣黃冠儼與膺祀典者相混今則附於人物卷末庶不失輕重之意

一烈女貞媛志堅金石視荼如飴固司土者所宜垂爲表揚以彰風化但一時未能遍採幽潛惟先以奉旌者彙增餘俟核實後再爲纂入

一舊志藝文卽錄於所記諸條之下覽者不無目眩今另分爲上下卷而類次之中又以時代別其先後其投贈諛詞與無關於地方民物者雖名爲佳什亦不濫登

一詳異以昭徵應釋野以廣見聞亦採風者所必錄而志未列今彙為一卷以備參考其或有謬誕不經傳聞未確者不敢附入

重修鳳翔府志

卷之九附

三

附府志目錄

卷首

序

凡例

姓氏

府治圖

八州縣圖

輿地卷一

星野

重修鳳翔府志

卷之首

目錄

疆域

形勝

古蹟

風俗

建置卷二

城池

關梁

市鎮

兵防

祠祀卷三

舊序

目錄

鳳翔府全疆圖

學官圖

八景圖

解署

舖舍

坊表

驛站

壇廟	宮廟	寺觀	山賦卷四	地畝	人丁	課程	起運	存留	屯更	鹽課	磨課	雜稅	倉儲	物產	倉儲	選舉卷八	雜傳	方外	隱逸	文苑	孝友	忠直	忠烈	聖賢								
官師卷五	封建	名宦	學校卷六	學官	學額	祭器	書院	義學	典籍	人物卷七	官師卷五	封建	名宦	學校卷六	學官	學額	祭器	書院	義學	典籍	人物卷七	官師卷五	封建	名宦	學校卷六	學官	學額	祭器	書院	義學	典籍	人物卷七
重修鳳翔府志															卷之四 目錄																	
二															三																	

徵薦	進士	貢生	武宦	列女卷九	后妃	節孝	藝文卷十	御製詔誥	名宦	勇畧	宦績	儒林	義行	流寓	雜技	科目	舉人	武科	恩命	名媛	貞烈	奏疏							
徵薦	進士	貢生	武宦	列女卷九	后妃	節孝	藝文卷十	御製詔誥	名宦	勇畧	宦績	儒林	義行	流寓	雜技	科目	舉人	武科	恩命	名媛	貞烈	奏疏							
重修鳳翔府志															卷之五 目錄														
三															四														

文 行狀

議 賦

頌 贊

銘 碑

記 傳

書啟 論說

辨考 吊詠

祀文 樂府

古風 律詩

執律 絕句

紀事卷十一
祥異雜記卷十二

鳳翔府志 卷之首 目錄

鳳翔府志纂修姓氏

主修

鳳翔府知府 達靈阿

參修

鳳翔府通判 葉世助

分修

隴州知州 吳炳

鳳翔縣知縣 羅鰲

岐山縣知縣 孟玫

重修鳳翔府志 卷之首 姓氏

寶雞縣知縣 許起鳳

原任扶風縣知縣 陳朝棟

扶風縣知縣 劉思罔

前任郿縣知縣 周家琰

郿縣知縣 柴緝生

汧陽縣知縣 富勒渾

麟遊縣知縣 區充

署扶風試用知縣 黃四岳

校對

鳳翔府教授楊本沛

鳳翔府訓導靳經

鳳翔縣訓導張海

監督

鳳翔府經歷余剛

鳳翔府司獄胡躍如

編次

江西南城縣舉人周方炯

鳳翔縣舉人劉震

重修鳳翔府志 卷之首 姓氏 二

寶雞縣舉人高登科

磨錄

鳳翔縣生員劉繼善

童生趙辛甲

童生彭洲

童生張鳳翼

童生吳廷連

舊叙

今天子御極之四十有九年政通人和年豐物阜薄海內外

烝烝嚮風天下治平久矣我

皇上博採文獻揚旂風化徵郡邑志書彙付史館纂入大清

一統志九以垂信史而詔來茲其盛典也鳳翔舊有志

叙於明正德丙子修於萬曆丁丑迄今百三十載其間

天時人事陵谷滄桑因革異宜損益殊制而忠孝廉節

以及循聲雅化未易更僕數惜無人修而志之故殘廢

缺畧幾湮沒於戈鋌煨燼而莫可攷也歲丁亥余奉

重修鳳翔府志 卷之首 朱叙 一

命來守是邦蚤作而夜思皇皇焉以修舉廢墜為事爰索

舊誌閱之列卷五總綱七若地理若建置若祠祀田賦

官師人物選舉咸綱舉而目張釐然大備而此百三十

年來應紀之蹟槩未列八余乃深有思焉夫郡固岐周

故地聖哲挺生人材輩出望嶸岐沮漆之勝山川之相

繆自若也溯遊麟翔鳳之禎西京之俎豆常新也樞樞

傑栢物產之饒美猶相峙召棠姬寫二陝之昔英猶相

望也且也高賢名世理學紹洙泗之傳豈弟宜民政治

婉龔黃之績素漢而還肩相接趾相錯也苟詳於古

畧於今將發輟於斯者奚所觀摩而興起從政於茲者
奚所憑式而儀型輶軒至止採風問俗者又奚以別其
貞淫而詢其淑慝焉非考之於今曷以徵信於古非述
之於後曷以媲美於前然則郡志之修又烏容已哉用
是徧稽境內應紀之蹟凡勝國以至

鼎興所未備者悉哀而聚之退食之餘躬自較閱詳請
各憲因其舊志而續之闕者以補毀者以葺未入者分
類以增不涉民間鑑黍指賞劄刷閱數月而告成於戲
表微闡幽郡長吏之職也修身踐行嘉惠後學鄉士夫

重修鳳翔府志

卷之首 朱叙

二

之美也昌黎有言莫爲之前雖笑而不彰莫爲之後雖
盛而不傳後之君子披斯志而覽之按事而考其人循
名而責其實而知忠孝廉節循聲雅化代不乏人由是
而立德立功立言出爲廊廟宰以黼黻太平退爲古君
子以藏名山而傳其人以無負

聖天子揚挖風化之至意是史冊之光也則余增修之役不
且有厚望乎哉若夫裁制得宜斟酌盡善操班馬之才
秉董狐之筆更而新之以鼓吹乎休明姑俟之後之君
子云爾是爲序

時

康熙四十九年歲次庚子蒲月上浣中憲大夫知鳳
翔府事雲間朱琦樞學氏題

重修鳳翔府志

卷之首 朱叙

三

鳳翔府志卷之三 藝文志 詩 一 鳳翔府志卷之三 藝文志 詩 一 鳳翔府志卷之三 藝文志 詩 一

舊叙

夫志者記也郡志所以記一郡之蹟也記其蹟者紀其實也紀不本於實則雖侈言僞增以浮於實祇亦自誣不足以垂信苟或厭豐縟而就簡約吹求不滿之疵刪竄過嚴使夫可喜可愕可感可懲之事一切置之不紀遺落太甚者益損其真不足以考實而稽古是秦者誇約者嗇二者皆失其實非志之良也烏在其為志乎故記天文則知上應之宿斗柄所指分野所屬而氛祲災祥之見有所驗記山川則知一方形勝要害之處而防

重修鳳翔府志

卷之首 王叙

四

守有其地記賦稅戶口之詳則租庸調取於民有制而不過記土產則貢有常品而不妄求其地之所無記人物則有以考世代人品功業之優劣記節義則有以激勵風俗而感發人之良心外雖流寓仙釋奇怪之事而亦載之者以見天地之大無所不有方外之人出於常理之外者世亦未嘗無也由是觀之郡志不容於不作作則不可不紀其實也予嘗愛禹貢之叙山川貢賦自源徂委由小入大秩然不紊周禮職方氏之叙事精切簡明嚴而不刻豐而不穢太史公一書平通正直華而

不靡質而不俚三書者皆志之鼻祖也固未嘗離其真

而約言亦未嘗浮於實而侈大之也今之作志者記地理如禹貢周禮叙事如史記褒貶如春秋綱目鉅細不遺隱顯必載善惡必紀祖其意而不泥其迹究其妙而不襲其舊集諸書之長探古人之意則有以得其質而不失其真庶乎其可傳也予承乏諫垣幾六稔愧無建明丁丑歲外補是郡抵任卽索郡乘質平日所聞以驗其實左右以無對夫郡之不可無志猶國之不可無史也國無史則一代之事莫得而等郡無志則一方之蹟

重修鳳翔府志

卷之首 王叙

五

末由以考雖
國朝有一統志各藩有一省志然皆畧而不詳樂而不備蓋紀錄浩瀚雖欲詳且備焉勢不能也故簡嚴之下不免撮其大而遺其細茲欲相盡而不遺其實者非郡志不可也予以初任庶事未更又當煩劇之衝政廳而民未信雖蘊其心未敢有為越二歲已卯秋郡士夫有以郡志請者時予方有事文場爰命屬邑八校官王成章輩敦琢各庠博洽之士分撥屬邑應記之蹟凡有關風化有裨政治以及山川人物土產古蹟之詳悉令收蓄

以備采擇然分董其事散無統紀實屬有云郡人王瑩堂以名進士家居博學通古長於編集使得一次第之必其條理大有可觀蓋以是授之以盡厥美予慨然允之未幾復有告予曰武功康太史對山以名狀元在告且鄰吾郡一代文人昔嘗居翰苑秉史筆精於裁割此尤專門擅業誠得一經即正永廣其傳保無後訾蓋往求諸不然他日恐有碣峽魚目之譏魯魚亥豕之訛者予益欣從時未見脫稿送述職北上不及射一較閱比次年秋回是志遂以鏡梓披閱之餘見其字蹟之脫誤

重修鳳翔府志

卷之首

王叙

六

賢否之混淆世代失次褒貶欠公遺落甚衆詩紀尤煩其他如漢如唐千百餘年中間所紀者僅五七人而已自占三輔之地賢聖挺生人才輩出不應若是其寥落也其他載所不當載遺其所不可遺又不能悉數焉是役也興舉之日迫采訪之未博委任之未專較閱之未精欲速見小之心勝故皆潦草而遺其實不得爲一郡之全書遂使識者大懷不滿實予之罪也尚安他謬耶以故深藏未即輕布然欲更之則不免勞費財力重災於木存之則貽笑於人日流於廣遠而祛除之無策自

重修鳳翔府志

卷之首

王叙

七

速厥尤奈之何哉昔者孔子謂夏禮吾能言之杞不足徵也殷禮吾能言之宋不足徵也文獻不足故也足則吾能徵之矣夫文獻不足雖聖言尚不徵况志者記一方之實蹟使其所載不備不實何以取徵於天下後世故無徵不信不信民弗從要之失其實故耳敬告同志君子嗣守是邦者果能循名以責其實尋幽以覽其勝卽地以求其履推無以致其有據畧以極其詳因言以究其心按事以考其人別其世代嚴其褒貶正其舛訛訂其脫落去其所當刪而增其所未備務使廣大周悉精核嚴謹如禹貢諸書不失古人之筆法遺意庶幾爲是書之全而於郡蹟之實可得而考則予他日不憚之病或得藉此而祛矣予方以親老三上疏乞養不久於仕恐更新無日不得已喋喋贅告者意蓋有所冀也嗚呼茲志也其魯之餽羊與其真有所待也夫其真有所望也夫是故爲之序

岷氏撰

正德辛巳夏六月海一居士知鳳翔府事任邱王江宗

舊叙

鳳翔開西一大郡也其志所由來前無所考自海一王公於正德間來守是邦常以府志未成爲念因取前言往蹟旁摭博採分命八屬並其溥洽多聞弟子校正纂輯兩閱歲月而規模備具誠哉一郡之全書也而王公虛懷挹損常切未滿藏諸笥中以期待綴無憾而始出乃迫於乞養恐更新無日不得已而存其書用倦倦於後之守是邦者修明而嗣葺焉越六十年而帶川梁公作齋桑公相繼巡駐鳳翔得明軒王公迎其意而要其

重脩鳳翔府志

卷之首 周叙

八

成政辭於余左右厥事余固陋不文因與賈生共商參訂而始得粗觀厥成嘻是亦可仰承海一王公之苦心矣一切志中事實大小隱顯細微曲折罔不兼該故條目具而綱領未立事績載而文采未融或次序先後者而提撮之務務繁簡者而損益之新舊同異者而更定之臧否差繆者而虛實之勸戒疑似者而明白之總綱五卷分目七篇而篇末各有其說以卒綱目之義焉蓋宗法前人體統故弗立一家之言儀型往昔議論而無肆穿鑿之說在因道裁化追義定制以求通於經久而

已後之君子知斯志也不知爲一郡全書耶亦不知爲一郡未全書耶尚冀明哲觀省焉

時

萬歷五年冬十二月吉日

賜同進士出身中憲大夫四川叙州府知府郡人周易吳峰

氏撰

重脩鳳翔府志

卷之首 周叙

九

此處為模糊之文字，內容難以辨識，可能為續前文或旁註。

舊叙

嘗慨夫郡縣之志闕畧廢壞天下十常八九揆厥所由
蓋自官師未之加意也鳳翔府志前無所考正德丙子
郡守海一王公董眾修輯自憾未善又其廢者於今六
十年矣上下安於所習而且憚於製作也迨監司帶川
梁公巡駐鳳翔周官法度燦然明備矣一日覽志嘆曰
鳳翔關西大郡也當有以傳於文獻而今文獻未全也
謀浴用修未幾梁公以遷秩行而仰齋桑公嗣來於是
梁公開其端桑公贊其美郡守見岳鄒公明軒王公迎

重修鳳翔府志

卷之首

李叙

十

意而要其成也乃請於鄉大夫吳峯周子而余亦廁於
其間叅校更定夫是志也編集雖經於賈生而斟酌損
益則一出於吳峯於是吳峯採古章準名志補著其文
以綴舊制庶幾乎鳳翔府之志矣吳峯序諸簡首輒復
爲之言曰夫先王之政山川疆域土宜俗尚封守時變
皆文獻之屬而經國之道也故善惡具而美刺興焉乃
風氣漸漓德意淪真其治不可久安也博觀吳峯七篇
之論因時而廣狹費約變焉隨勢而饒減厚薄生焉乘
機而強弱良姦出焉由倡而虛實振靡遷焉是窮源挽

流之旨探本惜末之實也若俾釐而正之吏統典則士
持公論民有恒心則闔各廢壞者於是而興復全備矣
故四公亟亟以成是志者使文獻考制則治體英明而
輔理承化之功浸浸乎將大振也嗟乎志理關於治道
豈細小哉

萬歷丁丑冬十二月朔旦

賜同進士出身知四川巴縣事郡人李輒序

重修鳳翔府志

卷之首

李叙


十

鳳郡圖攷



北至甘肅涼州府靈臺

鳳縣圖攷
 鳳縣在秦州之西，漢中府之南，甘肅秦州清水縣界之西，甘肅涼州府靈臺之北。其地山嶺起伏，河流貫注，風景優美，物產豐富。歷代以來，為兵馬衝要，商賈輻輳。其地之盛衰，實繫於秦州之興廢。故秦州之興，則鳳縣亦興；秦州之廢，則鳳縣亦廢。其地之險要，實不可不察也。



車修鳳翔府志

卷之首 圖考

七



鳳翔縣界二百一十二里

